

Predstavnici lokalnih vlasti:

- **Dubrovačkog primorja;**
- **Grada Dubrovnika;**
- **Herceg Novog;**
- **Konavala;**
- **Kotora;**
- **Neuma;**
- **Ravnog;**
- **Tivta;**
- **Trebinja;**
- **Županije dubrovačko-neretvanske;**
- **Župe dubrovačke;**

U saradnji sa predstavnicima

- **Igmanske inicijative;**

Uz podršku

- **Ministarstva inostranih poslova Crne Gore,**
- **Ministarstva vanjskih poslova Bosne i Hercegovine, i**
- **Ministarstva vanjskih poslova i europskih integracija Republike Hrvatske;**

I uz cijenjeno prisustvo ministara inostranih poslova:

- **Crne Gore - g. Milana Roćena,**
- **Bosne i Hercegovine - g. Svena Alkalaja i**
- **Republike Hrvatske - g. Gordana Jandrokovića,**

Kao i predstavnika međunarodne zajednice i donatora;

Na osnovu

- **Zajedničke izjave ministara inostranih poslova Bosne i Hercegovine, Crne Gore i Hrvatske, iz Neuma, od 27. aprila 2007. godine, te na osnovu**
- **Zajedničke izjave ministara inostranih poslova Bosne i Hercegovine, Crne Gore i Hrvatske, iz Dubrovnika, od 5. maja 2008. godine,**

U najboljoj vjeri, i u cilju dalje promocije dobrosusjedskih odnosa kroz realizaciju zajednički odabranih i usaglašanih projekata lokalnih zajednica na tromeđi,

Potpisuju

#### **ZAJEDNIČKU IZJAVU**

**o saradnji na realizaciji zajedničkih prekograničnih projekata iz oblasti područja rada  
Komisije za prekograničnu saradnju u slučaju prirodnih i ostalih katastrofa i na  
upravljanju prirodnim resursima**

U skladu sa Zajedničkom izjavom iz Dubrovnika, lokalne vlasti su u periodu predsjedavanja Crne Gore (od 5. maja 2008. godine do 8. jula 2009. godine), osnovale Komisiju za prekograničnu saradnju u slučaju prirodnih i ostalih katastrofa i na području upravljanja prirodnim resursima (u daljem tekstu: Komisija).

U periodu crnogorskog Predsjedavanja održano je pet sastanaka predstavnika učesnica Inicijative: sastanak u Kotoru, 23. juna; Herceg Novom, 21. jula; Tivtu, 15. oktobra 2008., Herceg Novom, 14. aprila i 8. jula 2009. godine, i koji su rezultirali usvajanjem Pravilnika o radu Komisije, i na kojima su zajednički inicirani, formulisani i usaglašeni sljedeći projekti:

- »Projekat integrisane protivpožarne zaštite graničnih područja Bosne i Hercegovine, Crne Gore i Hrvatske«;
- »Monitoring granica na tromeđi Bosne i Hercegovine, Crne Gore i Hrvatske“;
- »Putevima historijskog nasleđa«; i
- »Projekt prekograničnog informativnog povezivanja«.

Predstavnici lokalnih zajednica su potvrdili interes za zajedničkom saradnjom u utvrđenim oblastima i istakli potrebu što skorije realizacije zajednički usaglašanih projekata, posebno ukazujući na potrebu urgentnog djelovanja u oblasti protivpožarne zaštite.

Učesnici Inicijative takođe afirmišu punu otvorenost za nove projektne ideje i spremnost za njihovu kontinuiranu evaluaciju, usaglašavanje i realizaciju, po mogućnosti na najširoj osnovi.

Ova Izjava nije pravno obavezujući dokument, već se temelji na dobrovoljnoj i interesnoj osnovi.

Ova Izjava se odnosi, ali nije limitirana, na oblasti saradnje koje pokrivaju lokalne vlasti potpisnice i koje su definisane kao moguća područja rada Komisije:

1. **Upravljanje prirodnim resursima**
  - a. Korišćenje i zaštita vodenih resursa
  - b. Monitoring i zaštita mora
  - c. Ekologija i zaštita životne sredine
  - d. Energetika
  - e. Upravljanje otpadom
2. **Prekogranične intervencije u hitnim situacijama**
  - a. Protivpožarna zaštita
  - b. Ostale prirodne katastrofe i ekološki incidenti
3. **Unapređenje ekonomske saradnje**
  - a. Regionalni razvoj turizma
  - b. Obnova ostalih oblika ekonomske saradnje
  - c. Uspostavljanje linija u putničkom prometu između gradova/opština potpisnica
4. **Razminiranje**

Područja i ciljevi rada Komisije se mogu mijenjati i nadopunjavati prema potrebi i interesima strana koje učestvuju u Komisiji, isključivo dogovorom i konsenzusom svih članova Komisije.

## **Finansijska podrška za realizaciju zajedničkih projekata**

Predsjedavajući Inicijativom trojne saradnje će, u transparentnoj proceduri, uspostaviti i održavati kontakte sa Savjetom za regionalnu saradnju (RCC) i njegovim Sekretarijatom u Sarajevu, u cilju redovnog informisanja RCC-a o radu i aktivnostima Komisije, a posebno u cilju kandidovanja zajedničkih projekata saradnje za dobijanje finansijskih sredstava za njihovu realizaciju.

Predsjedavajući Inicijativom činiće sve napore u cilju promocije usaglašenih projekata kod međunarodnih i drugih donatora, u cilju obazbjeđivanja finansijskih sredstava za njihovu realizaciju.

Predsjedavajući će o rezultatima svojih aktivnosti prema trećim stranama – potencijalnim donatorima, u pravcu obezbjeđenja finansijskih sredstava za realizaciju zajedničkih projekata, pismeno obavijestiti sve učesnike Inicijative.

Predsjedavajući će učesnicima Inicijative dostavljati zapisnike sa svih sastanaka Komisije koji se održavaju u toku Predsjedavanja.

**U Herceg Novom, 8. jula 2009. godine**

**Za Dubrovačko-neretvansku županiju:**

---

**Za Opštinu Kotor:**

---

**Za Grad Dubrovnik:**

---

**Za Općinu Neum:**

---

**Za Općinu Dubrovačko primorje:**

---

**Za Općinu Ravno:**

---

**Za Opštinu Herceg Novi:**

---

**Za Opštinu Tivat:**

---

**Za Općinu Konavle:**

---

**Za Opštinu Trebinje:**

---

**Za Općinu Župa dubrovačka:**

---